



**МОНГОЛ УЛСЫН
ЭРҮҮЛ МЭНДИЙН САЙДЫН ТУШААЛ**

2014 оны 11 сарын 11 өдөр

Дугаар 389

Улаанбаатар хот

Г Төв байгуулах, журам, зааварчилгаа,
жагсаалт батлах тухай

Эрүүл мэндийн тухай хуулийн 13 дугаар зүйлийн 13.6 дахь заалт, эрүүл мэндийн байгууллагын бэлэн, хариу арга хэмжээний шуурхай байдал, тусlamж, үйлчилгээний эрсдэл, чанар, аюулгүй байдлыг хангах зорилгоор ТУШААХ нь:

1. Эрүүл мэндийн яамны дэргэд Шуурхай удирдлагын төвийг байгуулсугай.
2. "Шуурхай удирдлагын төвийн ажиллах журам"-ыг нэгдүгээр, "Түргэвчилсэн эрсдэлийн үнэлгээ хийх зааварчилгаа"-г хоёрдугаар, "Шуурхай удирдлагын төвд зайлшгүй шаардлагатай тавилга, тоног төхөөрөмжийн жагсаалт"-ыг гуравдугаар хавсралтаар тус тус баталсугай.
3. Шуурхай удирдлагын төвийн үйл ажиллагааны төлөвлөгөө, шаардагдах санхүүжилтийг жил бүр батлуулж, яамны төсөвт тусган хэрэгжүүлж ажиллахыг Бодлогын хэрэгжилтийг зохицуулах газар /Я.Буянжаргал/, яамны ерөнхий няглан бодогч /С.Должинсүрэн/-т үүрэг болгосугай.
4. Шуурхай удирдлагын төвд ажиллах орон тооны бус ажилтнуудын ажлын байрны тодорхойлтод тус төвийн үйл ажиллагаатай холбоотой чиг үүргийг нэмж тусгахыг Төрийн захиргааны удирдлагын газар /Д.Оюунчимэг/-т даалгасугай.
5. ДЭМБ-ын санхүүжилтээр Шуурхай удирдлагын төвд нийлүүлэх эд хогшил, мэдээлэл, технологийн техники, хэрэгслийг Эрүүл мэндийн яамны үндсэн хөрөнгөд бүртгэж авахыг нийтлэг үйлчилгээ хариуцсан ажилтан Д.Тогтохбаяр, яамны ерөнхий няглан бодогч С.Должинсүрэн нарт үүрэг болгосугай.
6. Энэ тушаал гарсантай холбогдуулан Эрүүл мэндийн сайдын 2013 оны 199 дүгээр тушаалыг хүчингүй болсонд тооцсугай.
7. Энэхүү тушаалын хэрэгжилтэд хяналт тавьж ажиллахыг Хяналт шинжилгээ, үнэлгээ, дотоод аудитын газар /С.Төгсдэлгэр/-т даалгасугай.



Н.УДВАЛ

D:\barimt\tushaal
082421

Эрүүл мэндийн сайдын 2014 оны
.../.../... сарын 11/.../... өрдийн 389 дугаар
тушаалын 1 дүгээр хавсралт

**ЭРҮҮЛ МЭНДИЙН ЯАМНЫ ШУУРХАЙ
УДИРДЛАГЫН ТӨВИЙН АЖИЛЛАХ ЖУРАМ**

Нэг. Нийтлэг үндэслэл

- 1.1. Эрүүл мэндийн яамны дэргэд олон улсын эрүүл мэндийн дүрэм, шинэ болон сэргэж буй халдварт өвчинтэй тэмцэх, сэргийлэх стратегийн хүрээнд гамшиг, онцгой байдал, халдварт өвчний дэгдэлт, цартахал зэрэг нийгмийн эрүүл мэндийн ноцтой байдлын үеийн бэлэн байдал, хариу арга хэмжээг шуурхай удирдан зохион байгуулах, шийдвэр гаргагчдыг үнэн зөв, бодит мэдээллээр хангах, салбарын болон салбар хоорондын үйл ажиллагааг уялдуулан зохицуулах зорилго бүхий Шуурхай удирдлагын төв (цаашид Төв гэх) ажиллана.
- 1.2. Төвийн үйл ажиллагаатай холбоотой үүсэх харилцааг Олон улсын эрүүл мэндийн дүрэм, Шинэ болон дахин сэргэж буй халдварт өвчинтэй тэмцэх сэргийлэх Ази, номхон далайн бүсийн стратеги, Монгол улсын Эрүүл мэндийн тухай, Гамшгаас хамгаалах тухай хууль зэрэг бодлогын холбогдох баримт бичиг болон энэхүү журмаар зохицуулна.

Хоёр. Энэ журамд хэрэглэсэн нэр томъёог дор дурьдсан утгаар ойлгоно:

- “Үйл явдал” гэдэг нь нийгмийн эрүүл мэндэд ноцтой нөлөө үзүүлэх өвчний шинж тэмдэг, илрэл, өвчин гарах эрсдэлт хүчин зүйлийг;
- “Нийгмийн эрүүл мэндийн ноцтой байдал” гэж хүн ам, байгууллага, хамт олон, гэр бүлийн дунд гарсан шалтгаан тодорхойгүй нас барагтын 2 ба түүнээс дээш тохиолдол, хүний өвчлөлийн шалтгаан тодорхойгүй 3 ба түүнээс дээш тохиолдол, ус хөрс, агаарын нөлөөнөөс хүн амын өвчлөл гарсан гэх цуурхал, дам яриа, хоол хүнсийн холбоотой мэдээлэл, химиин болон цацраг идэвхт бодисоор ус, хөрс, агаар орчин бохирдох, мал амьтны өвчлөл, үхлийн хэвийн бус байдал зэрэг шинэ ховор үйл явдлыг;
- “Үйл явдалд суурилсан тандалт” гэж нийгмийн эрүүл мэндэд ноцтой нөлөөлж болзошгүй өвчний шинж тэмдэг, түүнийг үүсгэх хүчин зүйлсийн тухай мэдээг цуглуулан, нягтлан баталгаажуулж, эрсдлийн үнэлгээ хийн, хариу арга хэмжээ авах, эргэн мэдээлэх цогц үйл ажиллагааг;
- “Бэлэн байдал” гэж ирээдүйд тохиолдох болон эсвэл тохиолдож байгаа гамшигийн аюул эсвэл нөхцөл байдлын үр дагаврыг урьдчилан төсөөлж мэдэх, үр дүнтэй хариу арга хэмжээ болон сэргээн босгох арга хэмжээг гүйцэтгэх Засгийн газрын болон мэргэжлийн байгууллагууд, орон нутаг, хувь хүний мэдлэг үр чадвар болон чадавхийг бий болгохыг:

Гурав. Төвийн удирдлага, бүтэц, зохион байгуулалт

- 3.1 Төв нь Эрүүл мэндийн сайдын шууд удирдлагад ажиллаж Эрүүл мэндийн яаманд байрлана.
- 3.2 Төвийн үйл ажиллагаанд орон тооны бус менежер, 12 гишүүн, зохицуулагч, техникийн ажлын хэсэг, Шуурхай удирдлагын баг оролцно.
- 3.3 Төв нь тайван цагийн болон идэвхжсэн үеийн гэсэн үйл ажиллагааны үндсэн хоёр горимтой байна.
- 3.4 Төв нь тайван цагийн горимд ажиллах үед орон тооны бус менежер, зохицуулагч, гишүүд (12), техникийн ажлын хэсэг бүхий дараах бүрэлдэхүүнээр ажиллана. Үүнд:

д/д	Төвийн чиг үүрэг	Үндсэн албан тушаал	Техникийн ажлын хэсэг
<i>Орон тооны бус ажилтнууд:</i>			
1	Менежер	БХЗГ –ын Нийгмийн эрүүл мэндийн хэлтсийн дарга	Төвийн зохицуулагч, орон тооны бус ажилтнууд
2	Зохицуулагч	Тархвар судлаач эмч	-
<i>Гишүүд:</i>			
3	Тандалт, эрсдлийн үнэлгээ, сургалтын чиглэлээр:	Яаралтай ба түргэн тусlamжийн бодлогын хэрэгжилтийн зохицуулалт хариуцсан мэргэжилтэн	<ul style="list-style-type: none"> - ЭМХТ-ийн Яаралтай тусlamжийн зохицуулалтын хэлтсийн дарга - Мөн төвийн телемедицинний төвийн дарга - ГССҮТ-ийн яаралтай тусlamж хариуцсан дэд захирал - НЭМГ –ын дэд дарга
4		Халдварт өвчний хяналт, урьдчилан сэргийлэлтийн бодлогын хэрэгжилтийн зохицуулалт хариуцсан мэргэжилтэн	Хүнээс хүнд дамжих халдварт өвчний үед: <ul style="list-style-type: none"> -ХССҮТ-ийн тандалт, сэргийлэлт эрхэлсэн дэд захирал -Тандалт, судалгааны албаны дарга <p>Зоонозын халдварт өвчний үед:</p> <ul style="list-style-type: none"> -ЗССҮТ-ийн дэд захирал -Тандалт, судалгааны албаны дарга
5		Орчны эрүүл мэндийн бодлогын хэрэгжилтийн зохицуулалт хариуцсан	<ul style="list-style-type: none"> -НЭМҮТ-ийн Эрүүл ахуй, хүнсний экологийн секторын эрхлэгч -НЭМГ-ын орчны асуудал хариуцсан мэргэжилтэн

6		Хоол тэжээл, хүнсний аюулгүй байдлын бодлогын хэрэгжилтийн зохицуулалт хариуцсан мэргэжилтэн	-Хоол судлалын секторын эрхлэгч -Хоол судлалын секторын мэргэжилтэн
7		Химийн бодисын аюулгүй байдлын бодлогын хэрэгжилтийн зохицуулалт хариуцсан мэргэжилтэн	-Хордлогын яаралтай тусlamжийн төвийн дарга -НЭМҮТ-ийн хор судлалын секторын эрхлэгч
		БЗДХ/ДОХ/Сурьеэгийн хяналт, урьдчилан сэргийлэлтийн бодлогын хэрэгжилтийн зохицуулалт, (биотерроризм) хариуцсан мэргэжилтэн	Биотерроризмын эрсдэл үүссэн үед: -ЗЭСҮТ-ийн Тандалт, судалгааны албаны дарга -Тандалт, судалгааны албаны асуудал хариуцсан мэргэжилтэн
8		Сэтгэцийн эрүүл мэнд, эрүүл мэндийн боловсролын бодлогын хэрэгжилтийн зохицуулалт хариуцсан мэргэжилтэн	-НЭМҮТ-ийн Эрүүл мэндийг дэмжих албаны дарга -СЭМҮТ-ийн Донтох эмгэгийн хөтөлбөр хариуцсан мэргэжилтэн
9		Нийгмийн эрүүл мэндийн бодлогын хяналт-шинжилгээ, үнэлгээ хариуцсан мэргэжилтэн	-ЭМХТ - ийн тогтолцооны судлагаа статистикийн хэлтсийн дарга
10	Эрсдлийн үеийн харилцаа холбоо хариуцсан	Хэвлэл, мэдээллийн ажилтан	-ХЭСҮТ-ийн эрсдэлийн харилцаа холбооны баг -Төв эмнэлэг, тусгай мэргэжлийн төвүүдийн хэвлэл, олон нийттэй харилцах ажилтнууд
11	Нөөцийн бэлэн байдал, хангарт хариуцсан	Нийслэл дэх эрүүл мэндийн байгууллагын төсвийн төлөвлөлт хэрэгжилт зохицуулалт хариуцсан мэргэжилтэн /шаардлагатай үед/	ЭМБ –ын дарга нар
12	Мэдээллийн технологи хариуцсан	Үйл ажиллагааны автоматжуулалт, мэдээлэл, технологийн үйлчилгээ хариуцсан мэргэжилтэн /шаардлагатай үед/	-ЭМХТ-ийн телемедицинний төвийн дарга, инженерүүд

- 3.5 Нийгмийн эрүүл мэндийн ноцтой байдалтай холбоотой төв эмнэлэг, тусгай мэргэжлийн лавлагаа төвүүдийн мэргэжилтнүүдээс бүрдсэн техникийн ажлын хэсэг хэсэгчилж буюу бүхэлдээ дайчлагдан ажиллана.
- 3.6 Шаардлагатай тохиолдолд холбогдох мэргэжилтэнг татан оролцуулж болно.
- 3.7 Шуурхай удирдлагын төвийн үйл ажиллагаа идэвхжихэд Шуурхай удирдлагын баг ажиллана. Шуурхай удирдлагын баг нь дараах бүрэлдэхүүнтэй байна.
Дарга: Бодлогын хэрэгжилтийг зохицуулах газрын дарга
Нарийн бичгийн дарга - Шуурхай удирдлагын төвийн зохицуулагч
- Гишүүд:
- БХЗГ-ын Эмнэлгийн тусламжийн хэлтсийн дарга
 - БХЗГ-ын Нийгмийн эрүүл мэндийн хэлтсийн дарга
 - БХЗГ-ын Эм, эмнэлгийн хэрэгслийн хэлтсийн дарга
 - БХЗГ-ын Оношилгоо, эмчилгээний технологийн хэлтсийн дарга
 - БХЗГ-ын Санхүү, эдийн засгийн хэлтсийн дарга
 - ТЗУГ-ын Хуулийн хэлтсийн дарга
 - ТЗУГ-ын Гадаад хамтын ажиллагааны хэлтсийн дарга
 - ЭМХТ-ийн дарга
 - ХШҮДАГ-ын Эрүүл мэндийн удирдлагын мэдээллийн тогтолцооны бодлого, хэрэгжилтийн зохицуулалт хариуцсан мэргэжилтэн
 - Олон улсын эрүүл мэндийн дүрмийг хэрэгжүүлэх үндэсний зохицуулагч
 - ДЭМБ-ын төлөөлөл (тохиролцсоноор)
 - Яамны дэргэдэх холбогдох мэргэжлийн Ерөнхий мэргэжилтэн
- 3.8 Шуурхай удирдлагын төв нь байнгын тасралтгүй үйл ажиллагаа явуулах боломжоор хангагдсан, тусгайлан тоноглосон өрөөтэй байна. Зайлшгүй шаардлагатай тоног төхөөрөмж, эд зүйлсийн жагсаалтыг Эрүүл мэндийн сайдын тушаалаар батална.
- 3.9 Төв нь цахим хуудас, тусгайлсан цахим шуудангийн хаяг, суурин ба хөдөлгөөнт холбооны утастай байна.
- 3.10 Төвийн байрыг зөвхөн шуурхай удирдлагын төвийн үндсэн үйл ажиллагаанд ашиглана.
- 3.11 Төвийн байранд гамшиг, онцгой байдлын үед Гамшгаас хамгаалах эрүүл мэндийн улсын алба/штаб, чиглэлийн баг (эрүүл мэнд, хоол тэжээл, ус, ариун цэвэр, халдвартгүйтгэл) байрлан үйл ажиллагаа явуулна.
- 3.12 Төв эмнэлэг, тусгай мэргэжлийн төв, орон нутгийн эрүүл мэндийн газар нь төвийн өдөр тутмын үйл ажиллагаанд дэмжлэг үзүүлэн, мэдээллээр ханган ажиллана. Төв нь эрүүл мэндийн байгууллагуудыг дотоод албан хэрэгцээнд зориулсан эргэн мэдээллээр хангана.
- 3.13 Төв нь Онцгой байдлын ерөнхий газар, Мал эмнэлэг, үржлийн газар, Мэргэжлийн хяналтын ерөнхий газар зэрэг холбогдох байгууллагуудтай мэдээлэл солилцож ажиллана.

- 3.14 Төв нь өдөр тутмын шуурхайг өглөө бүрийн 9⁰⁰ цагт, сар бүрийн хурлыг сарын сүүлийн долоо хоногийн Баасан гарагт, улирал тутамд нээлттэй уулзалт/сургалт зохион байгуулна.

Дөрөв. Төвийн үндсэн чиг үүрэг

- 4.1 Гамшиг, онцгой байдал, нийгмийн эрүүл мэндийн ноцтой байдал, халдварт өвчний дэгдэлт, цар тахлын үеийн болон нийгмийн эрүүл мэндийн тандалтын тогтолцооны мэдээнд түргэвчилсэн эрсдлийн үнэлгээ хийж, шийдвэр гаргагчдыг үнэн, зөв мэдээллээр хангах;
- 4.2 Гамшиг, онцгой байдал, нийгмийн эрүүл мэндийн ноцтой байдал, халдварт өвчний дэгдэлт, цар тахлын үеийн шуурхай хариу арга хэмжээний бэлэн байдлыг хангах;
- 4.3 Халдварт өвчний дэгдэлт, нийгмийн эрүүл мэндийн ноцтой байдал, гамшиг, онцгой байдлын үеийн төлөвлөлт, эрсдэлийн удирдлага, үнэлгээ, эрсдэлийн үеийн харилцаа холбоо, эрүүл мэндийн байгууллагын бэлэн байдал, хариу арга хэмжээ, ширээний/үзүүлэх дасгал сургуулилт зэрэг чиглэлээр сургалт зохион байгуулах, дадлагажуулах;
- 4.4 Гамшиг, онцгой байдал, нийгмийн эрүүл мэндийн ноцтой байдал, халдварт өвчний дэгдэлт, цар тахлын үед салбарын болон салбар хоорондын хамтын ажиллагааг уялдуулан зохицуулах.

Тав. Ажиллах бүрэлдэхүүний ажил үүргийн чиглэл:

- 5.1 Төвийн менежер дараах үйл ажиллагааг хэрэгжүүлнэ.
 - 5.1.1 Өглөө бүрийн шуурхай хурлыг удирдан зохион байгуулна.
 - 5.1.2 Өдөр тутмын болон долоо хоног тутмын мэдээг хянан баталгаажуулна.
 - 5.1.3 Бүртгэгдсэн үйл явдлын эрт сээрэмжлүүлэх, хариу арга хэмжээг зохион байгуулахад шийдвэр гаргах, холбогдох удирдлагуудтай ярилцан шийдвэрлэнэ.
 - 5.1.4 Төвийн үйл ажиллагааг холбогдох бусад байгууллагын үйл ажиллагаатай уялдуулан зохицуулна.
 - 5.1.5 Эрүүл мэндийн сайд, Дэд сайд, Төрийн нарийн бичгийн дарга, Бодлогын хэрэгжилтийг зохицуулах газрын даргыг мэдээллээр тасралтгүй хангана.
 - 5.1.6 Орон тооны бус гишүүдийн ажил, үүргийн хуваарь, төвийн хэрэгжүүлэх үйл ажиллагааны төлөвлөгөөг болон сургалтын хуваарь батлана.
- 5.2 Төвийн зохицуулагч нь дараах үйл ажиллагааг хэрэгжүүлнэ. Үүнд:
 - 5.2.1 Тусгай мэргэжлийн төв, төв эмнэлгээс улсын хэмжээнд бүртгэгдэж буй нийгмийн эрүүл мэндийн ноцтой байдал (халдварт өвчин, гамшиг, хордлого), үйл явдлыг мэдээлэх хуудас болон төрөл, давтамжийн дагуу

51-261629 дугаарын утас болон eochealth2014@gmail.com цахим хаягаар хүлээн авах (журмын хавсралт 1, 2).

- 5.2.2 Олон нийтийн хэвлэл, мэдээллийн хэрэгслээс хүний эрүүл мэндтэй холбоотой үйл явдлын мэдээг өдөр бүр шүүнэ.
- 5.2.3 Тусгай мэргэжлийн төв, төв эмнэлэг, бусад байгууллага, шаардлагатай тохиолдолд орон нутгийн эрүүл мэндийн газраас тухайн мэдээг нягтлан баталгаажуулах
- 5.2.4 ШУТ – д 24 цагийн дотор мэдээлэх үйл явдалд түргэвчилсэн эрсдлийн үнэлгээг холбогдох байгууллагуудаар хийлгэж, тайланг өдөр тутмын шуурхайд хэлэлцүүлэх
- 5.2.5 Тухайн өдрийн үйл явдлын мэдээний тоймыг бэлтгэж, салбарын холбогдох албан тушаалтанд бичгээр болон цахим хэлбэрээр танилцуулна.
- 5.2.6 Долоо хоногийн Баасан гарагт нийгмийн эрүүл мэндийн тандалтын долоо хоногийн мэдээний тоймыг эрсдлийн үнэлгээний дүнгийн хамт өглөөний шуурхайд танилцуулна.
- 5.2.7 “Долоо хоногийн мэдээлэл”-ийг бэлтгэж, салбарын холбогдох албан тушаалтанд цахим хэлбэрээр хүргүүлнэ.
- 5.2.8 Сар тутам холбогдох байгууллага, албан тушаалтантай цахим хурал зохион байгуулж, хурлын тэмдэглэл хөтлөнө.
- 5.2.9 Улирал бүрийн нээлттэй уулзалт/сургалтыг тодорхой сэдвээр товлон зохион байгуулна.
- 5.2.10 Төвийн жилийн үйл ажиллагааны төлөвлөгөөг боловсруулж, Эрүүл мэндийн сайдаар батлуулан хэрэгжилтийг хангаж тайлагнана.
- 5.2.11 Бага болон дунд эрсдэлтэй үйл явдалд авсан хариу арга хэмжээний тайланг лавлагаа төвүүдээс авч танилцуулна.
- 5.3 Орон тооны бус гишүүд нь дараах үйл ажиллагааг хэрэгжүүлнэ.
- 5.3.1 Тандалт, эрсдлийн үнэлгээ, сургалт зохион байгуулах, нөөцийн бэлэн байдлыг хангах, эрсдлийн үеийн харилцаа холбоо, мэдээллийн технологи зэрэг үйл ажиллагааны үндсэн чиглэлийг хариуцан ажиллана.
- 5.3.2 Өөрийн үйл ажиллагааны чиглэлээр мэргэжлийн байгууллагуудтай холбогдон тодруулга хийх, төвийн үйл ажиллагааг уялдуулах арга хэмжээг зохион байгуулна.
- 5.3.3 Өдөр тутмын шуурхайд оролцож, тухайн үйл явдалд түргэвчилсэн эрсдэлийн үнэлгээ хийх шаардлагатай гэж үзвэл багаараа хамtran гүйцэтгэнэ.
- 5.3.4 Төвийн үйл ажиллагаа, мэдээ, мэдээлэл, үйл явдлыг мэдээлэх хуудас, өдөр тутмын болон долоо хоногийн мэдээ, тайлангийн загварыг сайжруулах, боловсронгуй болгох ажлыг санаачлан зохион байгуулна.

- 5.4 Мэдээллийн технологи хариуцсан мэргэжилтэн нь төвийн өрөөний тоног төхөөрөмжийн байнгын бэлэн байдал, засвар үйлчилгээг хангаж ажиллана.
- 5.5 Шуурхай удирдлагын багийн гишүүд нь дараах үйл ажиллагааг хэрэгжүүлнэ.
Үүнд:
- 5.5.1 Нийгмийн эрүүл мэндийн ноцтой байдал, үйл явдалд суурилсан тандалтын мэдээнд хийсэн дүн шинжилгээ, эрсдлийн үнэлгээний дүгнэлтэд тулгуурлан орон нутгийн болон мэргэжлийн байгууллагаас хэрэгжүүлэхээр төлөвлөсөн хариу арга хэмжээг шуурхай эхлүүлэн, үнэлгээ өгч, эрсдлийн үеийн харилцаа холбооны багийг идэвхжүүлэн, нэгдсэн удирдлага, арга зүйгээр хангана.
- 5.5.2 Тухайн нөхцөл байдалтай уялдуулан багийн даргын шийдвэрээр шууд харьялах нэгжийн даргатай зөвшилцөн ЭМЯ-ны асуудал хариуцсан мэргэжилтэн, төв эмнэлэг, тусгай мэргэжлийн төвийн удирдлага, холбогдох тасаг, нэгжийн дарга, тайван горимд ажиллах орон тооны бус гишүүдийг дайчилж, ЭМЯ-ны дэргэдэх мэргэжлийн салбар зөвлөл болон зөвлөх багийг үйл ажиллагаанд татан оролцуулна.
- 5.5.3 Дараах тохиолдолд шуурхай удирдлагын багийн үйл ажиллагаа идэвхжинэ:
- үйл явдалд суурилсан тандалтын мэдээгээр шүүгдэн, эрсдлийн үнэлгээгээр дунд, өндөр эрсдэлтэй гэж үнэлэгдсэн үйл явдал;
 - шинэ, сэргэж буй халдварт, байгалийн голомтот, зоонозын халдварт өвчин, химиин болон цацрагийн хордлого;
 - шалтгаан тодорхойгүй өвчлөл, нас барагтын 2 ба түүнээс дээш тохиолдол, осол гэмтлийн кластер бүртгэгдэх;
 - нийгмийн эрүүл мэндийн тандалтын тогтолцооны мэдээлэлд хийсэн дүн шинжилгээгээр өвчлөлийн үзүүлэлт нь дэгдэлт, ноцтой байдал үүсэх босго үзүүлэлтэд хүрэх, эсвэл босго үзүүлэлтээс давах;
 - хариу арга хэмжээг авч хэрэгжүүлэхэд орон нутгийн эрүүл мэндийн байгууллагын чадавх, боломж хүрэлцэхгүй болох, олон улсад тархах, олон улсын аялал, худалдааг хязгаарлах аюул ихтэй нөхцөл байдал үүсэх;
 - ОУЭМД-ийн дагуу шууд мэдээлэгдэх шаардлагатай өвчний тохиолдол бүртгэгдэх, нөхцөл байдал үүсэх;
 - Гамшиг, онцгой байдал үүсэх.
- 5.5.4 Эрүүл мэндийн яам, бусад байгууллагын холбогдох албан тушаалтанг нөхцөл байдлын талаарх мэдээллээр хангана. Нөхцөл байдлын талаарх мэдээлэл солилцоо, шийдвэр гаргах, хариу арга хэмжээг шуурхай зохион байгуулахад салбар хоорондын хамтын ажиллагааг нэгдсэн удирдлагаар ханган ажиллана.

- 5.5.5 Аливаа халдварт өвчний дэгдэлтийн үед тухайн халдварт өвчний талаарх батлагдсан заавар, журмыг мөрдөн, ХӨСҮТ, ЗӨСҮТ болон дэгдэлтийн судалгааны багийн гаргасан дүгнэлтийг үндэслэн
- 5.5.6 Үйл явдлын хариу арга хэмжээг зохион байгуулж буй багийн удирдлага, дэгдэлтийн судалгааны багийн дүгнэлтэд үндэслэн Шуурхай удирдлагын багийн үйл ажиллагааг идэвхгүйжүүлнэ.
- 5.5.7 Дэгдэлтийн судалгааны тайлан, авч хэрэгжүүлсэн арга хэмжээний үнэлгээг дэгдэлт намжсанаас хойш 14 хоногийн дотор хийж, гүйцэтгэлийг Эрүүл мэндийн сайдад танилцуулна.
- 5.5.8 Шуурхай удирдлагын багийн дарга нь багийн гишүүд, дайчлагдсан ажилтнуудын ажилласан илүү цагийн хөлсийг холбогдох журам, зааврыг баримтлан олгох талаар харьялах байгууллага, албан тушаалтанд санал болгох ба ажилласан цагийн талаар тодорхойлолт гаргаж өгнө.
- 5.6 Гамшгийн болон онцгой байдлын үед Эрүүл мэндийн улсын алба, орон нутгийн алба, мэргэжлийн ангиудын үйл ажиллагаа идэвхжиж, хариу арга хэмжээг шуурхай хамtran зохион байгуулна.

Зургаа. Хариуцлага

Шуурхай удирдлагын төвийг цаг хугацаанд нь мэдээллээр хангаагүй байгууллагын удирдлага болон үүргээ биелүүлээгүй албан тушаалтанд холбогдох хууль, тогтоомжийн дагуу хариуцлага хүлээлгэнэ.

Журмын хавсралт №1

ҮЙЛ ЯВДЛЫГ МЭДЭЭЛЭХ ХУУДАС

Асуулт	Тайлбар
Үйл явдал	<input type="checkbox"/> Физикийн <input type="checkbox"/> Химийн <input type="checkbox"/> Цацрагийн <input type="checkbox"/> Шалтгаан тодорхойгүй <input type="checkbox"/> Архины шалтгаант <input type="checkbox"/> Эмнэлгийн тусламж, үйлчилгээний ноцтой доголдол <input type="checkbox"/> Олныг хамарсан осол, гэмтэл <input type="checkbox"/> Хордлого <input type="checkbox"/> Гамшиг <input type="checkbox"/> Халдварт өвчин <input type="checkbox"/> Хүнээс хүнд <input type="checkbox"/> Амьтнаас хүнд <input type="checkbox"/> Хоол хүнсээр <input type="checkbox"/> Усаар <input type="checkbox"/> Дамжуулагчаар
Огноо /он/сар/өдөр/	
Мэдээллийн эх сурвалж	
Үйл явдлын нэр	
Үйл явдал болсон огноо	
Үйл явдал болсон газар нутаг, байршил	
Өртсөн хүний тоо	
Нас баралтын тоо	
Бусад мэдээлэл	
Үйл явдлын явц	<input type="checkbox"/> Үргэлжилж байгаа <input type="checkbox"/> Дууссан <input type="checkbox"/> Хяналтад авсан <input type="checkbox"/> Бусад
Хэрэгжүүлсэн хариу арга хэмжээ	
Тэмдэглэл	
Мэдээлсэн ажилтны нэр, албан тушаал	

ШУУРХАЙ УДИРДЛАГЫН ТӨВД МЭДЭЭЛЭХ МЭДЭЭНИЙ ТӨРӨЛ, ДАВТАМЖ

№	Мэдээний төрөл	Давтамж
Халдварт өвчин судлалын үндэсний төв		
1	ОУЭМД-ээр шууд мэдээлэгдэх - Цагаан цэцэг - Зэрлэг омгоор үүсгэгдсэн халдварт саа - Амьсгалын замын цочмог халтай хамшинж - Шинэ дэд төрлийн вирусээр үүсгэгдсэн хүний томуугийн сэжигтэй тохиолдол	Мэдээлэл хүлээн авснаас хойш 24 цагийн дотор, түргэвчилсэн эрсдлийн үнэлгээний дүнгийн хамт
2	Хүнсний аюулгүй байдалтай холбоотой үүссэн өвчин, дэгдэлт	Мэдээлэл хүлээн авснаас хойш 24 цагийн дотор, түргэвчилсэн эрсдлийн үнэлгээний дүнгийн хамт
3	Халдварт өвчний эрт сээрэмжлүүлэх, хариу арга хэмжээний тогтолцооны мэдээ	Долоо хоног бүрийн Пүрэв гарагт
4	Томуу томуу төст өвчний тандалтын мэдээ	Долоо хоног бүрийн Пүрэв гарагт
5	Халдварт өвчний дуудлагын мэдээ (100)	Өдөр бүр
Зоонозын өвчин судлалын үндэсний төв		
6	Тарваган тахал өвчний хүний өвчний сэжигтэй тохиолдол	Мэдээлэл хүлээн авснаас хойш 24 цагийн дотор, түргэвчилсэн эрсдлийн үнэлгээний дүнгийн хамт
7	1 голомтод 2 болон түүнээс дээш хүн өвчилсөн боомын хүний өвчний дэгдэлт	Мэдээлэл хүлээн авснаас хойш 24 цагийн дотор, түргэвчилсэн эрсдлийн үнэлгээний дүнгийн хамт
8	Галзуу өвчний сэжигтэй тохиолдол	Мэдээлэл хүлээн авснаас хойш 24 цагийн дотор, түргэвчилсэн эрсдлийн үнэлгээний дүнгийн хамт
9	Зоонозын халдварт өвчний үйл явдлын мэдээ	Долоо хоног бүрийн Пүрэв гарагт
10	Мал амьтны өвчлөл, үхлийн хэвийн бус байдал	Мэдээлэл хүлээн авснаас хойш 24 цагийн дотор
Нийгмийн эрүүл мэндийн үндэсний төв		
11	Химиин болон цацрагийн хурц хордлогын тохиолдол	Мэдээлэл хүлээн авснаас хойш 24 цагийн дотор, түргэвчилсэн эрсдлийн үнэлгээний дүнгийн хамт
12	Хими, цацраг идэвхт бодисоор ус, хөрс, агаар бохирдсон, түүнээс шалтгаалж, хүн амын дунд өвчлөл гарсан гэх цуу яриа мэдээлэгдсэн	Мэдээлэл хүлээн авснаас хойш 24 цагийн дотор, түргэвчилсэн эрсдлийн үнэлгээний дүнгийн хамт

13	Хүнсний аюулгүй байдалтай холбоотой үүссэн өвчин, дэгдэлт	Мэдээлэл хүлээн авсанаас хойш 24 цагийн дотор, түргэвчилсэн эрсдлийн үнэлгээний дүнгийн хамт
<i>Гэмтэл согог судлалын үндэсний төв</i>		
14	Олныг хамарсан осол, гэмтэл	Мэдээлэл хүлээн авсанаас хойш 24 цагийн дотор
15	Осол гэмтлийн 7 хоног тутмын мэдээ	Долоо хоног бүрийн Лхагва гарagt
<i>Хордлогын яаралтай тусlamжийн төв</i>		
16	Хордлогын мэдээ	Долоо хоног тутмын Баасан гарagt
<i>Нийслэлийн эрүүл мэндийн газар</i>		
17	Архины шалтгаант хордлогын мэдээ	Долоо хоног бүрийн Лхагва гарagt
18	Хүүхдийн эмнэлгийн орны эргэлтийн мэдээ	Долоо хоногийн Даваа, Пүрэв гарagt
19	Түргэн тусlamжийн дуудлагын мэдээ	Долоо хоногийн Даваа гарagt
<i>ЭХЭМҮТ</i>		
20	Эхийн эндэгдлийн мэдээ	Мэдээлэл хүлээн авсанаас хойш 24 цагийн дотор
21	Нярайн эндэгдлийн мэдээ	Долоо хоног бүрийн Пүрэв гарagt
<i>Бүх шатны эрүүл мэндийн байгууллага</i>		
22	Шинж тэмдэг тодорхойгүй нас барагтын 2, эмнэл зүйн ижил шинж тэмдэгтэй шалтгаан тодорхойгүй өвчиний 3-аас дээш тохиолдол	Мэдээлэл хүлээн авсанаас хойш 4 цагийн дотор, түргэвчилсэн эрсдлийн үнэлгээний дүнгийн хамт
23	Эмнэлгийн тусlamж, үйлчилгээний ноцтой алдаа, доголдол	Мэдээлэл авсанаас хойш 24 цагийн дотор
<i>Засгийн газрын тохируулагч агентлаг - Онцгой байдлын ерөнхий газар</i>		
24	Өдөр тутмын мэдээ	Өдөр бүр
<i>Засгийн газрын хэрэгжүүлэгч агентлаг – Мал эмнэлэг, үржлийн газар</i>		
25	Малын гоц халдварт халдварт өвчиний мэдээлэл	Шаардлагатай тохиолдолд


Эрүүл мэндийн сайдын 2014 оны
11. сарын 11... өдрийн 389 дугаар
тушаалын 2 дугаар хавсралт

ТҮРГЭВЧИЛСЭН ЭРСДЭЛИЙН ҮНЭЛГЭЭ ХИЙХ ЗААВАРЧИЛГАА

Нийгмийн эрүүл мэндийн ноцтой үйл явдалд эрсдэлийн үнэлгээ хийхдээ эрсдэлийн түвшинг тодорхойлоход шаардлагатай мэдээ, мэдээллийг цуглуулах, үнэлэх, баримтжуулах үйл ажиллагааг системтэйгээр, дарааллын дагуу хийх зарчмыг баримтална. Хэвлэл мэдээллийн хэрэгсэл, албан байгууллагын илрүүлсэн үйл явдлыг үнэлж, эрсдэлтэй байж болзошгүй үйл явдлыг сонгон, хариу арга хэмжээг төлөвлөх явцад эхний эрсдэлийн үнэлгээг хийнэ. Үүнд:

- Үйл явдлын мэдээг сонгох, баталгаажуулах, үйл явдлыг мэдээлэх. Үйл явдлыг мэдээлэх хуудсыг Эрүүл мэндийн сайдын тушаалаар батална.
- Эрсдэлийг эхний байдлаар үнэлэх
 - Үндсэн мэдээг тодруулах
 - Эрсдэлийн түвшин ба олон нийт, улс төрийн хүрээллийн анхаарал хандуулалтыг тодруулах зорилго бүхий уулзалт хурлыг зохион байгуулах
- Хариу арга хэмжээг төлөвлөх, хэрэгжүүлэх
- Үр дүнг олон нийтэд түгээх
- Эрсдэлийг бууруулах арга хэмжээнд хяналт-шинжилгээ хийх, ахиц гарсан эсэхийг үнэлэх зэргийг хамааруулна.

Түргэвчилсэн эрсдэлийн үнэлгээний дараалал



Үе шат 1. Эхний үнэлгээ. Үйл явдлын мэдээллийг шигших, сонгох, баталгаажуулах, мэдээлэх

Хүний эрүүл мэндэд ноцтой нөлөөлөхүйц үйл явдлын тухай аливаа мэдээллийг албан (эрүүл мэндийн байгууллагын, тандалтын тогтолцооны, ДЭМБ-ын цахим хуудаснаас авсан мэдээ гм) болон албан бус (олон нийтийн хэвлэл, телевизийн, олон нийтийн сүлжээний мэдээ, ам дамжсан яриа гм) сувгаар хайж олох ба энэхүү мэдээнд хүний өвчлөл, нас баралт болон хүнд шууд нөлөөлөх боломжтой (мал, амьтны өвчлөл, үхэл; хүнс, усны бохирдол) эсвэл орчны бохирдол (химиин, цацраг идэвхт бодис)-той холбоотой үйл явдлыг хамруулдаг.

Дээрх мэдээллийг олж авсан даруй шигшиж, нийгмийн эрүүл мэндэд эрсдэл учруулах боломжтой эсэхийг эхний үнэлгээгээр үнэлэн, цааш нь мэдээлэх эсвэл мэдээлэх шаардлагагүй гэсэн сонголтыг хийнэ.

Мэдээллийг шигших, сонгох, баталгаажуулах, мэдээлэх дараалал

1а. Мэдээллийг шигшиж, сонгох үнэлгээ

- Тухайн үйл явдлын талаар мэдээлсэн мэдээллийн сувгууд: албан ба албан бус /жагсаалтын дагуу/
- Мэдээлэлд багтсан хэсэг бүрийг дараах асуултын дагуу “тийм” “үгүй” гэж хариулт өгч үнэлнэ.

- | |
|---|
| <input type="checkbox"/> Үйл явдал хурдан даамжирч байна уу? |
| <input type="checkbox"/> Үйл явдал нь улсын хэмжээнд заавал мэдээлэх өвчин, хамшинж мөн үү? Мөн бол өвчлөл, нас баралтын түвшин олон жилийн дунджаас өндөр үү? |
| <input type="checkbox"/> Энэ үйл явдал өмнө бүртгэгдэж байгаагүй, шинэ, шалтгаан нь тодорхойгүй өвчний тохиолдол мөн үү? |
| <input type="checkbox"/> Ижил шинж тэмдэг бүхий өвчлөл эсвэл нас баралтын кластер мөн үү? |
| <input type="checkbox"/> Энэ үйл явдал ноцтой үр дагаварт хүргэх үү? |
| <input type="checkbox"/> Энэхүү үйл явдал нь өргөн хэрэгцээний хүнсний бүтээгдэхүүн (хоол, хүнс, савласан ус гм)-тэй холбоотой байх боломжтой юу? |
| <input type="checkbox"/> Олон нийтийн анхаарлыг татаж, түгшүүр төрүүлэх эрсдэлтэй үйл явдал мөн үү? |
| <input type="checkbox"/> Тухайн үйл явдал нь хүний эрүүл мэндэд сөрөг нөлөө үзүүлсэн эсвэл үзүүлэх боломжтой (химиин бодис асгарсан, мал амьтны шалтгаан тодорхойгүй үхэл гм) юу? |
| <input type="checkbox"/> Эдийн засгийн ноцтой үр дагавар учруулах уу? |
| <input type="checkbox"/> 3. Үнэлгээний дараа: <ul style="list-style-type: none"> - Хэрэв дээрх асуултад бүгдэд нь “үгүй” гэж хариулсан бол үйл явдлыг нийгмийн эрүүл мэндийн ач холбогдолтой биш хэмээн үзэж цаашид судлахгүйгээр орхино. - Хэрэв нэг ба түүнээс олон асуултад “тийм” гэж хариулсан эсвэл эргэлзээтэй байгаа бол нийгмийн эрүүл мэндийн ач холбогдолтой эсвэл ач холбогдолтой байж болзошгүй хэмээн бүртгэж, “үйл явдлыг мэдээлэх хуудас”-ыг бөглөнө. |

16. Үйл явдлыг баталгаажуулах – хэрэв үйл явдал нь нийгмийн эрүүл мэндэд ач холбогдолтой эсвэл ач холбогдолтой байж болзошгүй гэж үнэлэгдсэн бол

1. Үйл явдлыг “үнэн” гэдгийг баталгаажуулах оролдлого хийнэ. Дараах асуултад хариулна.

- | | |
|--------------------------|---|
| <input type="checkbox"/> | Үйл явдлыг албан эх сурвалжаас мэдээлсэн үү? (орон нутгийн засаг, захиргааны байгууллага, эмнэлэг) |
| <input type="checkbox"/> | Тухайн үйл явдлын талаар 2 ба түүнээс дээш хоорондоо хамааралгүй эх сурвалж мэдээлсэн байна уу (орон нутгийн хүмүүс, мэдээллийн суваг, эрүүл мэндийн ажилтан, мал эмнэлгийн ажилтнууд гм) ? |
| <input type="checkbox"/> | Үйл явдлын мэдээнд өртсөн хүн, байршил, цаг хугацааг тодорхойлсон уу? |
| <input type="checkbox"/> | Үйл явдлын мэдээнд тухайн үйл явдлын талаарх өвөрмөц, онцгой, содон мэдээлэл байна уу? |

- Хэрэв үйл явдлын мэдээ нь жинхэнэ болж байгаа үйл явдал гэдэг нь батлагдвал, “Үйл явдлыг мэдээлэх хуудас”-ыг тухайн үйл явдлыг хамаарах чиг үүрэг бүхий мэргэжилтэн, байгууллагад (хоол хүнсээр дамжих халдварт өвчин, яаралтай тусlamж, эх хүүхдийн эрүүл мэнд гм) зохих хариу арга хэмжээг шуурхай авч хэрэгжүүлэх зорилгоор хүргүүлнэ.
- “Үйл явдлыг мэдээлэх хуудас”-ыг цахим хэлбэрээр, хожим хэрэглэх боломжтой аргаар архивлаж хадгална.

1в. Хэрэгжүүлэх арга хэмжээ – хэрэв үйл явдал батлагдсан бол

Эхний үнэлгээний үр дүнд суурилан цаашид хэрэгжүүлэх арга хэмжээг тодорхойлно. Арга хэмжээ нь дараах нөхцөл байдлаас хамаарна:


- Үйл явдлын хэлбэр
- Нийгмийн эрүүл мэндэд үзүүлэх боломжит эрсдэл
- Тухайн үйл явдал хэр хурдацтай өсөх боломжтой, богино хугацаанд эрсдэлийг бууруулахад шаардлагатай арга хэмжээг хэрэгжүүлэх хугацаа
- Хэвлэл, мэдээллийн хэрэгсэл, олон нийтийн анхаарал хандуулалт

Түргэвчилсэн эрсдэлийн үнэлгээгээр хэрэгжүүлэх арга хэмжээний болон дээрх нөхцөл байдал ямар түвшинд байгааг тодорхойлно.

Түргэвчилсэн эрсдэлийн үнэлгээг хийх алгоритмыг Шуурхай удирдлагын төвийн ажилтнуудад тараан, тухайн үйл явдлын эрсдэлийг үнэлнэ. Түргэвчилсэн эрсдэлийн үнэлгээг хийхэд ойролцоогоор 30 минут зарцуулагдана.

Үе шат 2. Түргэвчилсэн эрсдлийн үнэлгээний алгоритм

Үйл явдал мэдээлэгдсэн



Хариу арга хэмжээ үйл ажиллагааны горим

- Тайван чагийн горимоор холбогдох тушаал залварын дагуу ажиллана.

Тайван чагийн горимоор ажиллах ба мэдээллийг шуурхай дамкуулж, уйл ажиллагааг эрчимжүүнэ.

- Шуурхай удирдлагын багийн даргад яаралтай мэдээлнэ.

- Хянгалтын өвөрмөц арга хэмжээг хэрэгжүүлнэ.

- Холбогдох төвүүд хариу арга хэмжээт зөхийн байгуулна.

- Эрсдлийн үнэлгээ, хариу арга хэмжээний тайланг шүт-л илүүнчнэ.

- Идэвхижийн горимда шилжинэ.

- Үндэсний аюулгүй байдлын зөвлөл, Онцгой байдлын ерөнхий газар. Улсын онцгой комисст мэдээлнэ.

- Шаардлагатай тохиолдолд гамшигаас хамгаалах Эрүүл мэндийн албаны штаб идэвхжүүлж санал таргаж болно.

- Олон нийтийг хамарсан ханалтын арга хэмжээг авч эхэнз.

- НҮБ-ын төрөлжсөн байгууллагуудад болон бусад бусад хамтран ажиллана.

Эрсдлийн түвшин

Гамшигаас хамгаалах Эрүүл мэндийн алба, штаб идэвхжин.

- Олон улсын байгууллагад мэдээлнэ.

- Голомтыг дараахад чиглэсэн бүхий л арга хэмжээг хэрэгжүүлнэ.

- НҮБ-ын төрөлжсөн болон бусад байгууллагуудад мэдээлж, хамтран ажиллана (эрүүл мэндийн кластер гм)

Эрүүл мэндийн сайдын 2014 оны
11. сарын 11. өдрийн 389 дугаар
тушаалын 3 дугаар хавсралт

ШУУРХАЙ УДИРДЛАГЫН ТӨВИЙН ХЭВИЙН ҮЙЛ АЖИЛЛАГААГ ХАНГАХАД
ЗАЙЛШГҮЙ ШААРДЛАГАТАЙ ТАВИЛГА, ТОНОГ ТӨХӨӨРӨМЖИЙН ЖАГСААЛТ

Тавилга, тоног төхөөрөмжийн жагсаалт	Хэмжих нэгж	Тоо хэмжээ
Албан тасалгааны тавилга		
1.1. Ширээ (шүүгээтэй)	ш	4
1.2. Хурлын ширээ (20-30 хүний)	ш	1
1.3. Сандал	ш	30
1.4. Сейф	ш	1
1.5. Номын шүүгээ (шилэн нүүртэй)	ш	4
1.6. Цагаан самбар, хөлтэй	ш	1
1.7. Бичгийн хэрэгсэл /цаас цоологч, үдэгч, хавтаслагч, хавтас гм/	хэрэгцээгээр	
Компьютер, хэвлэх хэрэгсэл		
1.8. Суурин компьютер	Иж бүрдэл	2
1.9. Зөөврийн компьютер	ш	4
1.10. Таблет /i pad/	ш	2
1.11. Олон үйлдэлт хувилах төхөөрөмж /хэвлэх, сканнердах, хувилах үйлдэлтэй/	ш	2
Интернет сүлжээ		
1.12. Өндөр хурдны интернет холболт	Иж бүрдэл	
1.13. Дотоод сүлжээний тоног төхөөрөмж	ш	1
1.14. Утасгүй интернетийн төхөөрөмж	ш	4
1.15. Зөөврийн 3G модем	ш	1
Холбоо		
1.16. Энгийн суурин утасны шугам		2
1.17. Төрийн холбооны утасны шугам		1
1.18. Утасны аппарат	ш	4
1.19. Факсны аппарат	ш	1
1.20. Гар утасны сим карт	бүх операторын	тус бүр
1.21. Гар утас (ухаалаг утас, 2 сим оролттой)	ш	1
1.22. IP утас	ш	2
1.23. HDMI гаралттай HD камер	ш	1
1.24. Смарт TV (> 52")	ш	1
1.25.	ш	2
1.26. Apple TV эсвэл ижил төрлийн TV box	ш	1
1.27. Проектор	ш	1
1.28. Дэлгэц	ш	1
Цахим хурлын тоног төхөөрөмж		
1.29. IP утас	ш	1
1.30. HDMI гаралттай HD камер	ш	1
1.31. Смарт TV (> 52")	ш	1
1.32.	ш	2
1.33.	ш	1
1.34. Apple TV эсвэл ижил төрлийн TV box	ш	1
1.35. Проектор	ш	1
1.36. Дэлгэц	ш	1

Эрүүл мэндийн сайдын 2014 оны
41. сарын 11. өдрийн 389 дугаар
тушаалын 4 дүгээр хавсралт

ШУУРХАЙ УДИРДЛАГЫН ТӨВИЙН ХЭВИЙН ҮЙЛ АЖИЛЛАГААГ ХАНГАХАД
ЗАЙЛШГҮЙ ШААРДЛАГАТАЙ ТАВИЛГА, ТОНОГ ТӨХӨӨРӨМЖИЙН ЖАГСААЛТ

Тавилга, тоног төхөөрөмжийн жагсаалт	Хэмжих нэгж	Тоо Хэмжээ
Албан тасалгааны тавилга		
1.1. Ширээ (шүүгээтэй)	ш	4
1.2. Хурлын ширээ (20-30 хүний)	ш	1
1.3. Сандал	ш	30
1.4. Сейф	ш	1
1.5. Номын шүүгээ (шилэн нүүртэй)	ш	4
1.6. Цагаан самбар, хөлтэй	ш	1
1.7. Бичгийн хэрэгсэл /цаас цоологч, үдэгч, хавтаслагч, хавтас гм/	хэрэгцээгээр	
Компьютер, хэвлэх хэрэгсэл		
1.8. Суурин компьютер	Иж бүрдэл	2
1.9. Зөөврийн компьютер	ш	4
1.10. Таблет /i pad/	ш	2
1.11. Олон үйлдэлт хувилах төхөөрөмж /хэвлэх, сканнердах, хувилах үйлдэлтэй/	ш	2
Интернет сүлжээ		
1.12. Өндөр хурдны интернет холболт	Иж бүрдэл	
1.13. Дотоод сүлжээний тоног төхөөрөмж	ш	1
1.14. Утасгүй интернетийн төхөөрөмж	ш	4
1.15. Зөөврийн 3G модем	ш	1
Холбоо		
1.16. Энгийн суурин утасны шугам		2
1.17. Төрийн холбооны утасны шугам		1
1.18. Утасны аппарат	ш	4
1.19. Факсны аппарат	ш	1
1.20. Гар утасны сим карт	бүх операторын	тус бүр 1
1.21. Гар утас (ухаалаг утас, 2 сим оролттой)	ш	2
Цахим хурлын тоног төхөөрөмж		
1.22. IP утас	ш	1
1.23. HDMI гаралттай HD камер	ш	1
1.24. Смарт TV (> 52")	ш	2
1.25.	ш	1
1.26. Apple TV эсвэл ижил төрлийн TV box	ш	1
1.27. Проектор	ш	1
1.28. Дэлгэц		